

## ZAPISNIK

### sa 03. Sastanka Privrednog savjeta Grada Zenice

Sastanak je održan 22.06.2016. godine s početkom u 10:00 u Maloj sali zgrade Gradske uprave Grada Zenice (II sprat).

Spisak prisutnih u prilogu

Dnevni red:

1. Usvajanje Zapisnika sa 02. Sastanka Privrednog savjeta Grada Zenice
2. Reviriranje strateškog cilja i sektorskih ciljeva – oblast Ekonomski Razvoj
3. Formiranje sektorskih grupa

Ad.1.

Jugoslav Anđelić je pozdravio sve prisutne i dao na usvajanje dnevni red za 03. sastanak Privrednog savjeta Grada Zenice, kao i Zapisnik sa 02. Sastanka Privrednog savjeta Grada Zenice.

- Dnevni red za 03. sastanak Privrednog savjeta Grada Zenice je usvojen jednoglasno
- Zapisnik sa 02. sastanka Privrednog savjeta Grada Zenice je usvojen jednoglasno
- U radnim materijalima je, po zahtjevu Vukice Majranović-Suljić sa prethodne sjednice, dostavljen pregled programa i projekata za organizacije civilnog društva, a koje je Grad Zenica finansirao 2015. godine

Ad.2.

Treći sastanak Privrednog savjeta se održao zajednički s radnom grupom za oblast ekonomskog razvoja, a u sklopu procesa revizije strategije razvoja Grada Zenice. Sastanak je pomjeren za jedan dan zbog posjete potencijalnih investitora za preduzeće Metalno d.o.o. Zenica. Shodno zaključcima s ranijih sastanaka, dogovoreno je da će Privredni savjet uzeti aktivno učešće u procesu revizije strategije s posebnim fokusom na oblast ekonomskog razvoja.

- Radionicu je vodio konsultant Nedim Čelebić, angažovan od UNDP-a koji pruža tehničku podršku procesu revizije Strategije Grada Zenice.
- Primarni cilj radionice je bio definisanje sektorskih ciljeva za oblast ekonomije, odnosno priprema projektnih prijedloga utemeljenih na sektorskim ciljevima uvažavajući finansijske projekcije budžeta za period od narednih 5 godina.
- Senaida Turkić je kazala da priprema kvalitetnih projekata zahtjeva vrijeme i da se ne treba žuriti u njihovoj razradi. Također, sugerisala je da lokalna Strategija razvoja Grada Zenice mora biti usklađena sa Strategijom razvoja Zeničko-dobojskog kantona.
- Mladen Perić je kazao da projekti moraju doprinositi povećanju BDP-a, a da se pri tome mora voditi računa o efektima zagađenja. Kazao je da su javno-privatna partnerstva velika prilika za unaprjeđenje saradnje javnog i privatnog sektora, da se uključivanjem privatnog sektora može izvršiti dokapitalizacija javnih preduzeća.
- Konsultant Nedim Čelebić je prezentirao strateški cilj i sektorske ciljeve koji su u otvorenoj diskusiji svih prisutnih dogovoreni i precizirani.

- Konsultant je naglasio da svi projekti koji će biti u sklopu revidirane Strategija razvoja moraju biti razrađeni u projektne forme odnosno tkz. projektne fishe koju je potom prezentirao. Prisutnima je također prezentirao primjer razrađenog projektnog prijedloga i kako doprinosi ispunjenju određenom sektorskom cilju koji doprinosi ispunjenju strateškog cilja.
- Jusuf Duraković je kazao da se svi moraju aktivno uključiti u izradu projektnih prijedloga, a da tome prethodi i revidiranje postojećih projekata koji nisu i koji neće biti realizovani u doglednom vremenskom periodu.
- Dogovoreno je da se materijali dostave elektronskim putem svim prisutnima, a da se naredni sastanak, zajedno s članovima radne grupe za ekonomiju održi 29.06.2016. godine u svrhu revidiranja postojećih projekata i pisanja novih.

#### Ad.3.

- Senada Sejmenović se ukratko predstavila prisutnima kao i najvažnije aktere u oblasti poljoprivrede u Gradu Zenica. Pojedine poljoprivredne grane, poput uzgoja jagodičastog voća, su u posljednje dvije godine doživjele ekspanziju zahvaljujući podsticajima i zagaranovanom otkupu proizvoda. Predložila je formiranje sektorske podgrupe za poljoprivredu koja će dati konkretne projektne prijedloge, a koju će sačinjavati predstavnici Gradske uprave, predstavnici privatnog sektora te predstavnici udruženja i nevladinog sektora.
- Konsultant Nedim Čelebić je kazao da treba voditi računa u rokovima uz bojazan da će formiranje sektorskih podgrupa ponovo dovesti do velikog broja projekta.
- Nakon kraće diskusije je dogovoreno da se formira podgrupa za poljoprivredu, a da se članovi Privrednog savjeta iz privatnog sektora zajedno s Udruženjem Poslodavaca intenzivno uključe u pripremi projekata.

Sastanak završen u 12:00 sati.